



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Imitatione Christi

Thomas <von Kempen>

Antverpiae, 1607

De oblatione Christi in cruce, & propria resignatione. 8

[urn:nbn:de:hbz:466:1-48701](https://nbn-resolving.org/urn:nbn:de:hbz:466:1-48701)

dandi vitam tuam, & in melius proficiendi. Deinde cum plena resignatione & integra voluntate, offer teipsum in honoré nominis mei, in ara cordis tui holocaustum perpetuum, corpus tuum scilicet & animam, mihi fideliter committendo: quatenus & sic dignè merearis ad offerendum Deo sacrificium accedere, & Sacramentum corporis mei salubriter suscipere.

4 Non est enim oblatio dignior, & satisfactio maior pro peccatis diluendis, quàm seipsum purè & integrè, cum oblatione corporis Christi in Missa & in Cōmunionem Deo offerre. Si fecerit homo, quod in se est, & verè pœnituerit: quotienscūque pro venia & gratia *Exec. 18* ad me accesserit, viuo ego dicit Dominus, qui nolo mortem peccatoris, sed vt magis cōuertatur & viuat: quoniam peccatorum suorum non recordabor amplius, sed cuncta ipsi indulta erunt.

CAP. VIII.

De oblatione Christi in cruce, & propria
resignatione.

VOX DILECTI.

Esa. 53. 1
& Heb.
9.

Sicut ego meipsum, expansis in
cruce manibus & nudo corpore,
pro

pro peccatis tuis Deo Patri sponte obtuli, ita vt nihil in me remaneret, quin totum in sacrificiū diuinæ placationis transiret: ita debes & tu teipsum mihi voluntariè, in oblationem puram & sanctam, quotidie in Missa, cum omnibus viribus & affectibus tuis, quantò intimiùs vales, offerre. Quid *Prova. 23* magis à te requiro, quàm vt te studeas mihi ex integro resignare? Quidquid præter teipsum das, nihil curo: quia non quæro datum tuum, sed te.

2 Sicut non sufficeret tibi omnibus habitis, præter me: ita nec mihi placere poterit, quicquid dederis, te nõ oblato. Offer te mihi, & da te totum pro Deo, & erit accepta oblatio. Ecce, ego me totum obtuli patri pro te; dedi etiam totum corpus meum & sanguinem in cibum, vt totus tuus essem, & tu meus permaneres. Si autem in teipso steteris, nec sponte te ad voluntatem meam obtuleris, non est plena oblatio, nec integra erit inter nos vnio. Igitur omnia opera tua præcedere debet, spontanea tui ipsius in manus Dei oblatio, si libertatē consequi vis & gratiam. Ided enim tam pauci illuminati, & liberi

intus efficiuntur, quia seiplos ex toto abnegare nesciunt. Est firma sententia mea: Nisi quis renuntiauerit omnibus, non potest meus esse discipulus. Tu ergo si optas meus esse discipulus, offer teipsum mihi, cum omnibus affectibus tuis.

CAP. IX.

Quòd nos, & omnia nostra, Deo debemus offerre, & pro omnibus orare.

VOX DISCIPVLI.

Psal. 23 **I** Domine, omnia tua sunt, quæ in cælo sunt, & quæ in terra. Desidero meipsum tibi in spontaneâ oblationem offerre, & tuus perpetuò permanere. Domine, in simplicitate cordis mei, offero meipsum tibi hodie in seruum sempiternum, in obsequium & in sacrificiũ laudis perpetuæ. Suscipe me, cum hac sancta oblatione tui pretiosi corporis, quam tibi hodie in præsentia Angelorum, inuisibiliter assistentium, offero: vt sit pro me, & pro cuncto populo tuo in salutem.

2 Domine, offero tibi omnia peccata & delicta mea, quæ commisi coram te, & sanctis Angelis tuis, à die quo primum